



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/21-2-40-487-3/21**

Datum: **28.10.2021. god.**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“, za izdavanje vodne saglasnosti za uređenje korita rijeke Vrbas, lokalitet naselja Voljevac u općini Gornji Vakuf - Uskoplje, na osnovu člana 114., a u vezi sa članom 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **d o n o s i**

RJEŠENJE **o vodnoj saglasnosti**

1. Investitoru, «Agenciji za vodno područje rijeke Save» Sarajevo daje se vodna saglasnost za uređenje korita rijeke Vrbas u naselju Voljevac, općina Gornji Vakuf - Uskoplje, za dionice od ST 0+000,000 – 0+431,88 i 0+575,53 – 0+685,33 km, po projektnoj dokumentaciji pod nazivom: «Glavni projekat uređenja korita rijeke Vrbas u općini Gornji Vakuf – Uskoplje, dionica Voljevac i Boljkovac», urađen od strane Privrednog društva „Institut za hidrotehniku Građevinskog fakulteta u Sarajevu d.d. Sarajevo“, april 2013. godine.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-I/21-1-40-427-4/21 od 01.10.2021. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Nositelj prava iz vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelaznu dionicu) projektovane nivelete regulisanog korita u postojeće (prirodno) korito tako što će se bez značajnijih zahvata u prostoru moći pristupiti realizaciji narednih dionica regulacije korita, uz istovremeno zadovoljenje zahtjeva u pogledu zaštite od plavljenja.
 - 3.3. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.4. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.5. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.8. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom izgradnje zaštitnih vodnih objekata na rijeci Vrbas na području naselja Voljevac, općina Gornji Vakuf - Uskoplje, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na izgradnji zaštitnih objekata i uređenja korita rijeke Vrbas na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih zaštitnih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi da prije početka radova, a kada period izvođenja radova na izgradnji objekata za zaštitu od poplava bude tačno preciziran, najmanje sedam dana ranije obavijesti Sportsko ribolovno društvo „Vrbas“, koje je korisnik ribolovnog prava na ovom ribolovnom području, o početku izvođenja radova u koritu rijeke Vrbas na predmetnoj dionici, te da se prilikom izvođenja radova pridržava uslova pobrojanih u njihovoj saglasnosti.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju predmetne dionice rijeke Vrbas, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je u suradnji sa Općinom dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, «Agencija za vodno područje rijeke Save» Sarajevo putem "Sektora za realizaciju investicionih projekata" Agencije, je podnio zahtjev dana 18.10.2021. godine za izdavanje vodne saglasnosti za uređenje korita rijeke Vrbas u naselju Voljevac, općina Gornji Vakuf, za dionice od ST 0+000,000 – 0+431,88 i 0+575,53 – 0+685,33 km, po projektnoj dokumentaciji pod nazivom: *«Glavni projekat uređenja korita rijeke Vrbas u općini Gornji Vakuf – Uskoplje, dionica Voljevac i Boljkovac», urađen od strane Privrednog društva „Institut za hidrotehniku Građevinskog fakulteta u Sarajevu d.d. Sarajevo”, april 2013. godine.*

Uz zahtjev za izdavanje vodne saglasnosti dostavljena je slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,

- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine, služba za statistiku za područje Kantona Sarajevo,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012 godine,
- Kopija Rješenja o urbanističkoj saglasnosti broj: 06/6-19.3-834/21 od 12.10.2021. godine za uređenje korita rijeke Vrbas u naselju Voljevac, izdato od strane Službe za prostorno planiranje, imovinsko pravne poslove i katastar općine Gornji Vakuf - Uskoplje,
- Izjava Općine Gornji Vakuf – Uskoplje broj: 06/8-19.4-835/21 od 28.06.2021. godine da će u cijelosti biti riješeni imovinsko – pravni odnosi na planiranoj dionici uređenja korita rijeke Vrbas,
- Saglasnost Sportsko ribolovnog društva „Vrbas“, Gornji Vakuf – Uskoplje, bez broja, od 28.06.2021. godine,
- «Glavni projekat uređenja korita rijeke Vrbas u općini Gornji Vakuf – Uskoplje, dionica Voljevac i Boljkovac», urađen od strane Privrednog društva „Institut za hidrotehniku Građevinskog fakulteta u Sarajevu“ d.d. Sarajevo, april 2013. godine.

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za uređenje korita rijeke Vrbas angažirao projektnu kuću „Institut za hidrotehniku Građevinskog fakulteta u Sarajevu d.d. Sarajevo“, koja je uradila «Glavni projekat uređenja korita rijeke Vrbas u općini Gornji Vakuf – Uskoplje, dionica Voljevac i Boljkovac», april 2013. godine. Projektna kuća „Institut za hidrotehniku Građevinskog fakulteta u Sarajevu“ d.d. Sarajevo posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Da je od strane ove Agencije, rješenjem broj UP-I/21-1-40-427-4/21 od 01.10.2021. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - Situativni prikaz projektnog rješenja za dionicu planiranih radova uređenja korita rijeke Vrbas, sa pozicijom planiranih objekata za zaštitu od poplava, razmjere 1:1000. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:100, sve urađeno na bazi raspoloživih geodetskih podloga;
 - Na osnovu raspoloživih podataka sa vodomjernih stanica (Gornji Vakuf, Han Skela i Kozluk) izvršena je analiza specifičnog oticanja ranga pojave 1/100 i 1/10 te utvrđen protok $Q_{1/100} = 64,00 \text{ m}^3/\text{s}$ i $Q_{1/10} = 32,50 \text{ m}^3/\text{s}$;
 - U sklopu «Glavnog projekta uređenja korita rijeke Vrbas u općini Gornji Vakuf – Uskoplje, dionica Voljevac i Boljkovac», usvojena je trasa i normalni profili regulacije rijeke Vrbas u ukupnoj dužini 685m (P1-P22), od čega je dionica od ST 0+431,88 do ST 0+575,53 ranije izvedena.
 - Usvojeni normalni profil je oblika trapeza (gdje to raspoloživi prostor dozvoljava) širine korita u dnu od 5,5m (uzvodno) do 6,0m (nizvodno), zatim pravougaonog oblika sa širinom korita 7,5m te kombinacija trapeznog i pravougaonog profila sa širinom dna od 6,5m. Nagib kosina trapeznog korita iznosi 1:1,5. Širina krune nasipa iznosi 2m a nagib kosine nasipa prema branjenom području i vodnoj strani je 1:1,5. Usvojena visina proticajnog profila odgovara nivou stogodišnje vode, sa nadvišenjem nasipa od 80cm. Oblaganje kosina korita rijeke predviđeno je kamenom oblogom, do kote velikih voda $Q_{1/100}$;
 - Na predmetnoj dionici, predviđena je izgradnja potrebnog broja stabilizacionih pragova, sa prelaznom dionicom za uklapanje projektovane nivelete regulisanog korita u prirodno/uređeno korito rijeke Vrbas uzvodno i nizvodno od predmetnih dionica kao i objekti za uvođenje zaobalnih voda;

Na osnovu utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:


Nihad Pezo, dipl.inž.građ.

Prilog:

- Ovjeren «Glavni projekat uređenja korita rijeke Vrbas u općini Gornji Vakuf – Uskoplje, dionica Voljevac i Boljkovac», urađen od strane Privrednog društva „Institut za hidrotehniku Građevinskog fakulteta u Sarajevu d.d. Sarajevo“, april 2013. godine.

**Po ovlaštenju
Rukovodilac sektora za izdavanje
vodnih akata**


Haris Aljehović, dipl.inž.građ.



Dostaviti:

- «Agencija za vodno područje rijeke Save», Sektor 30 (Prilog);
- ⊙ AVP Sava, ISV – Vodna knjiga
- Sektor 40, arhiva
- oglasna ploča AVP - Sava